



---

Broj: 02/1-50-8-22-15/16

Sarajevo, 27.1.2016.

**IZVJEŠTAJ O RADU**  
**USTAVNOPRAVNE KOMISIJE DOMA NARODA**  
**PARLAMENTARNE SKUPŠTINE BOSNE I HERCEGOVINE**  
**ZA PERIOD OD 1.1.2015. DO 31.12.2015.**

**Sarajevo, januar 2016.**

## IZVJEŠTAJ O RADU

### USTAVNOPRAVNE KOMISIJE DOMA NARODA PARLAMENTARNE SKUPŠTINE BiH ZA PERIOD OD 1.1.2015. DO 31.12.2015.

#### SADRŽAJ

1. Opće naznake	3.
2. Poglavlje I. Aktivnosti Ustavnopravne komisije	4.
a. Odjeljak A. Statistički podaci o sjednicama	5.
b. Odjeljak B. Zakonodavne i druge aktivnosti	6.
i. Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)	6.
ii. Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom i prva faza u nadležnoj komisiji)	6.
iii. Razmatranje prijedloga zakona po čl. 108. - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak - postupak u nadležnoj komisiji)	7.
iv. Razmatranje prečišćenih tekstova zakona po članu 135. Poslovnika Doma naroda	7.
v. Razmatranje pitanja ocjene ustavnosti	8.
vi. Razmatranje inicijativa i informacija	
vii. Donošenje zaključaka	8.
3. Poglavlje II. Aktivnosti Ureda sekretara Ustavnopravne komisije	8.
4. Poglavlje III. Ostale aktivnosti	9.
a. Odjeljak A. Aktivnosti u vezi sa ostalim aktima i odnosima s drugim institucijama	10.
b. Odjeljak B. Međunarodna saradnja	10.
5. Poglavlje IV. Zaključna razmatranja	11.
PRILOG	12.

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) podnosi

**IZVJEŠTAJ**  
**O RADU USTAVNOPRAVNE KOMISIJE DOMA NARODA**  
**PARLAMENTARNE SKUPŠTINE BOSNE I HERCEGOVINE**  
**ZA PERIOD OD 1.1.2015. DO 31.12.2015.**

**OPĆE NAZNAKE**

Ustavnopravna komisija stalna je komisija Doma naroda Parlamentarne skupštine BiH. Njen rad, nadležnosti, uloga i položaj utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnom sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, kada ih i ako ih na to ovlaste oba doma, prijedlog službene verzije prečišćenog teksta zakona i drugih propisa koje usvajaju domovi Parlamentarne skupštine BiH;

(2) Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.

Ustavnopravna komisija Doma naroda Parlamentarne skupštine BiH konstituirana je na prvoj sjednici, održanoj 26.2.2015., kada su članovi Komisije, jednoglasno, izabrali:

- za predsjedavajućeg Ustavnopravne komisije Halida Genjca,
- za prvog zamjenika predsjedavajućeg Ustavnopravne komisije Barišu Čolaka,
- za drugog zamjenika predsjedavajućeg Ustavnopravne komisije Sredoja Novića.

Ostali članovi Komisije su:

- Dragutin Rodić,
- Safet Softić i
- Ljilja Zovko.

Sekretar Komisije je Zijad Hasić, a stručna saradnica Sonja Abdulovski.

Svoj rad Ustavnopravna komisija Doma naroda Parlamentarne skupštine BiH zasnivala je na primjeni brojnih propisa iz međunarodnog i domaćeg prava, od kojih su najvažniji:

1. Aneks IV. Općeg okvirnog sporazuma za mir u Bosni i Hercegovini – Dejtonski sporazum (Ustav BiH),
2. Međunarodni dokumenti, navedeni u Aneksu I. Ustava BiH, te dodatni sporazumi o ljudskim pravima koji će se primjenjivati u Bosni i Hercegovini, Poslovnik Doma naroda Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07) i drugi akti,
3. Poslovnik Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06, 91/07 i 32/12), te novi Poslovnik („Službeni glasnik BiH“, br. 58/14, 88/15 i 96/15) koji je stupio na snagu 5.8.2014.,
4. propisi Bosne i Hercegovine iz krivičnogprave, građanskoprave i upravne oblasti, te oblasti ravnopravnosti spolova, izbora, izvršenja krivičnih sankcija i sl.

## **POGLAVLJE I. AKTIVNOSTI USTAVNOPRAVNE KOMISIJE**

### **Odjeljak A. Statistički podaci o sjednicama**

Ustavnopravna komisija je u izvještajnom periodu **održala ukupno 12 sjednica**, i to:

<b>Sjednica</b>	<b>Datum održavanja</b>	<b>Tačaka dnevnog reda</b>	<b>Trajanje sjednice u minutama</b>
1.	26.2.2015.	1	15 minuta
2.	4.3.2015.	7	45 minuta
3.	30.3.2015.	8	165 minuta
4.	27.5.2015.	4	35 minuta
5.	23.6.2015.	5	100 minuta
6.	14.7.2015.	4	215 minuta
7.	16.9.2015.	6	90 minuta
8.	29.9.2015.	8	40 minuta
9.	14.10.2015.	4	30 minuta
10.	9. 11.2015.	3	40 minuta
11.	10.12.2015.	2	30 minuta
12.	30.12.2015.	1	15 minuta

S ciljem obavljanja svojih aktivnosti, u izvještajnom periodu Ustavnopravna komisija Doma naroda Parlamentarne skupštine BiH **održala je 12 sjednica, a razmatrala 53 tačke dnevnog reda (6 tačaka dnevnog reda po sjednici Ustavnopravne komisije)**. Održavajući ove sjednice, ona je aktivnost usmjerila na brojne teme iz svoje nadležnosti, zasnovane na Planu rada za 2015. godinu.

Osim zakonodavnih aktivnosti, Ustavnopravna komisija vršila je i kontrolnu funkciju. Potrebno je istaći razmatranje informacija, izvještaja i drugih akata, drugih državnih organa i tijela iz nadležnosti Ustavnopravne komisije, kao i aktivnosti koje je ona sama inicirala.

Najveći obim aktivnosti ostvaren je analizom i usvajanjem zakona prilikom priprema i održavanja sjednica.

Prosjeck prisustva članova sjednicama Komisije je **90%**.

Prosječno trajanje sjednica Ustavnopravne komisije je **1 sat i 30 minuta**.

## **Odjeljak B. Zakonodavne i druge aktivnosti**

Ustavnopravna komisija je u 2015. godini razmatrala veliki broj prijedloga zakona, te za njih, nakon provedene procedure, izrađivala mišljenja i izvještaje, i to:

### **i) Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)**

- 1. Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine**, predlagač: Vijeće ministara BiH;
- 2. Prijedlog zakona o carinskoj politici u Bosni i Hercegovini**, predlagač: Vijeće ministara BiH;
- 3. Prijedlog zakona o izmjenama i dopunama Zakona o policijskim službenicima BiH**, predlagač: Vijeće ministara BiH;
- 4. Prijedlog zakona o izmjenama Zakona o plaćama i naknadama u institucijama Bosne i Hercegovine**, predlagač: Predstavnički dom Parlamentarne skupštine BiH;
- 5. Prijedlog zakona o azilu**, predlagač: Vijeće ministara BiH;
- 6. Prijedlog zakona o dopunama Zakona o plaćama i naknadama u institucijama Bosne i Hercegovine**, predlagač: Predstavnički dom Parlamentarne skupštine BiH;
- 7. Prijedlog zakona o konverziji kredita u švicarskim francima u konvertibilne marke**, predlagač: delegat Mario Karamatić;
- 8. Prijedlog zakona o izmjeni Zakona o policijskim službenicima Bosne i Hercegovine**, predlagači: delegati Ognjen Tadić i Darko Babalj;
- 9. Prijedlog zakona o strancima**, predlagač: Vijeće ministara BiH;
- 10. Prijedlog zakona o dopunama Zakona o zaštiti potrošača u Bosni i Hercegovini**, predlagač: Vijeće ministara BiH;
- 11. Prijedlog zakona o Budžetu institucija BiH i međunarodnih obaveza Bosne i Hercegovine za 2016. godinu**, predlagač: Predstavnički dom.

Ustavnopravna komisija je na 9. sjednici, održanoj 14.10.2015., razmatrala i utvrdila **Prijedlog izmjena Poslovnika Doma naroda Parlamentarne skupštine Bosne i Hercegovine**, koji je uputila

Domu naroda na usvajanje. Dom naroda Parlamentarne skupštine BiH je na 11. sjednici, održanoj 10.11.2015., usvojio Izmjene Poslovnika, predlagača članova Ustavnopravne komisije.

**ii) Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga sa Ustavom BiH i pravnim sistemom BiH i principi - prva faza u nadležnoj komisiji)**

1. **Prijedlog zakona o obligacionim odnosima u civilnom zrakoplovstvu BiH**, predlagač: Vijeće ministara BiH;
2. **Prijedlog zakona o izmjenama i dopunama Zakona o sportu u Bosni i Hercegovini**, predlagač: Predstavnički dom Parlamentarne skupštine BiH;
3. **Prijedlog zakona o dopunama Zakona o prekršajima**, predlagač: Vijeće ministara BiH;
4. **Prijedlog zakona o neradnim danima u vrijeme vjerskih praznika u Bosni i Hercegovini**, predlagač: Vijeće ministara BiH.

**iii) Razmatranje prijedloga zakona po čl. 108. - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji - druga faza)**

1. **Prijedlog zakona o obligacionim odnosima u civilnom zrakoplovstvu BiH**, predlagač: Vijeće ministara BiH
2. **Prijedlog zakona o dopunama Zakona o prekršajima**, predlagač: Vijeće ministara BiH

**iv) Razmatranje prečišćenih tekstova zakona (član 135. Poslovnika Doma naroda Parlamentarne skupštine Bosne i Hercegovine: utvrđuje, zajedno s odgovarajućom komisijom Predstavničkog doma, prečišćeni tekst zakona i drugih propisa kada i ako ih na to ovlaste oba doma PSBiH)**

Ustavnopravna komisija je na 9. sjednici, održanoj 14.10.2015., dogovorila **način i kalendar aktivnosti pripremanja prijedloga službenih prečišćenih tekstova:**

1. **Prečišćeni tekst Zakona Bosne i Hercegovine o izvršenju krivičnih sankcija, pritvora i drugih mjera**, predlagač radne verzije akta: Vijeće ministara BiH (Ministarstvo pravde BiH), broj akta: 01,02/1-02-1-13/15, od 31.8.2015. (postupak u skladu s članom 135. Poslovnika Doma naroda)
2. **Prečišćeni tekst Zakona o državljanstvu Bosne i Hercegovine**, predlagač radne verzije akta: Ministarstvo civilnih poslova BiH, broj akta: 02/1-50-8-22-6/15, od 7.9.2015. (postupak u skladu s članom 135. Poslovnika Doma naroda)

Dogovoreno je da ovlašteni predstavnici nadležnih ministarstava, u saradnji sa sekretarima ustavnopravnih komisija oba doma Parlamentarne skupštine BiH, utvrde prijedloge prečišćenih tekstova navedenih zakona, koje će zatim na zajedničkoj sjednici razmatrati obje ustavnopravne komisije Parlamentarne skupštine BiH.

**v) Razmatranje pitanja ocjene ustavnosti (član 39. stav (1) tačka g) Poslovnika Doma naroda Parlamentarne skupštine Bosne i Hercegovine - dostavlja se mišljenje Ustavnom sudu BiH)**

Ova aktivnost ocjene ustavnosti pred Ustavnim sudom BiH odnosi se na zahtjeve u skladu s članom 39. stav (1) tačka g) Poslovnika Doma naroda, prema kojem Ustavnopravna komisija dostavlja mišljenja Ustavnom sudu:

2. Zahtjev za izjašnjenje dostavljen od Ustavnog suda Bosne i Hercegovine u predmetu broj: U-20/14, veza akt broj: 02-01-1091/14, od 2.10.2014.;
3. Zahtjev za izjašnjenje dostavljen od Ustavnog suda Bosne i Hercegovine u predmetu broj: U-23/14, veza akt broj: 02-01-1098/14, od 7.10.2014.;
4. Zahtjev za izjašnjenje dostavljen od Ustavnog suda Bosne i Hercegovine u predmetu broj: U-18/14, veza akt broj: 02-01-1027/14, od 19.8.2014.;
5. Zahtjev za izjašnjenje dostavljen od Ustavnog suda Bosne i Hercegovine u predmetu broj: U-26/14, veza akt broj: 02-01-1189/14, od 10.11.2014.;
6. Zahtjev za izjašnjenje dostavljen od Ustavnog suda Bosne i Hercegovine u predmetu broj: U-25/14, veza akt broj: 02-01-1188/14, od 10.11.2014.;
7. Zahtjev Ustavnog suda BiH, broj: U-5/15, veza broj: 01-01-1137/15, od 15.9.2015.

#### **vi) Razmatranje izvještaja i informacija:**

Ova aktivnost ostvaruje se u skladu s članom 39. stav (2) Poslovnika Doma naroda Parlamentarne skupštine Bosne i Hercegovine. Ustavnopravna komisija donijela je mišljenja za sljedeće izvještaje i informacije:

1. Uputstvo o korištenju rodno osjetljivog jezika u Parlamentarnoj skupštini Bosne i Hercegovine;
2. Razmatranje zahtjeva za izjašnjenje dostavljenih od Ustavnog suda Bosne i Hercegovine;
3. Izvještaj o provođenju Općih izbora 2014. godine;
4. Obavještenje predsjedavajućeg Doma naroda u vezi sa zaključkom Zajedničkog kolegija oba doma Parlamentarne skupštine BiH, broj: 01/01,02/1-02-4-395/15, od 17.3.2015., u vezi s pitanjem autentičnog tumačenja zakona i drugih općih akata;
5. Izvještaj o radu Vijeća ministara BiH za 2014., predlagač: Vijeće ministara BiH;
6. Izvještaj o stanju ravnopravnosti spolova u Bosni i Hercegovini za period 2012.-2014., predlagač: Agencija za ravnopravnost spolova BiH;
7. Izvještaj o provođenju zakona iz nadležnosti Centralne izborne komisije BiH u 2014. godini, predlagač: Centralna izborna komisija BiH;
8. Izvještaj o radu Pravobranilaštva BiH za period od 1.1.2014. do 31.12.2014., predlagač: Pravobranilaštvo BiH;
9. Informacija o radu Tužilaštva BiH za 2014. godinu, predlagač: Tužilaštvo BiH;
10. Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine Bosne i Hercegovine za 2014.;
11. Godišnji izvještaj Visokog sudskog i tužilačkog vijeća BiH, predlagač: Visoko sudsko i tužilačko vijeće BiH;
12. Izvještaj o primjeni Jedinstvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH;

#### **vii) Doneseni zaključci**

U izvještajnom periodu Komisija je donijela 6 zaključaka kojim je željela unaprijediti zakonodavni postupak ili ubrzati rješavanje pojedinih pitanja, između ostalog pitanje primjene Jedinstvenih pravila za izradu pravnih propisa u institucijama Bosne i Hercegovine. Na kraju izvještajnog perioda realiziran je 1 zaključak, a realizacija preostalih je u toku.

## **POGLAVLJE II. AKTIVNOSTI UREDA SEKRETARA USTAVNOPRAVNE KOMISIJE**

U Uredu sekretara Ustavnopravne komisije normirana su radna mjesta, i to: sekretar Ustavnopravne komisije - rukovodeći državni službenik, stručni savjetnik i stručni saradnik, što čini ukupno tri zaposlena. Trenutno su popunjena dva radna mjesta, i to sekretar Ustavnopravne komisije i stručni saradnik.

Osnovni cilj Ureda sekretara je da prilikom svih aktivnosti u vezi sa Ustavnopravnom komisijom osigura stručan pristup obradi pitanja koja će biti na sjednici Ustavnopravne komisije, te osigura kontinuitet u dosljednosti, potpunosti i blagovremenosti u realizaciji svih postavljenih zadataka pred Ustavnopravnom komisijom.

Ured sekretara pripremao je i analizirao sve zakone koji su bili u proceduri i druge akte koji nisu zakonodavnog karaktera, te uspostavljao saradnju s drugim institucijama, i domaćim i međunarodnim, čije se djelovanje tiče djelovanja Ustavnopravne komisije.

U izvještajnom periodu Ured sekretara imao je nekoliko radnih sastanaka s predstavnicima Misije OSCE-a u BiH, kao i sa zaposlenima u Uredu rezidentnog koordinatora UN-a u Bosni i Hercegovini, koji su bili posvećeni podršci u radu Ustavnopravnoj komisiji.

U organizaciji Ureda Ustavnopravne komisije Doma naroda i Ureda Ustavnopravne komisije Predstavničkog doma Parlamentarne skupštine BiH, a uz pomoć Ureda rezidentnog koordinatora UN-a u Bosni i Hercegovini, 3. decembra 2015., u zgradi Ujedinjenih naroda u Sarajevu, održan je sastanak na nivou stručnjaka o temi: „Izgradnja institucionalnih kapaciteta ustavnopravnih komisija Parlamentarne skupštine BiH“.

Ured sekretara Komisije u izvještajnom periodu održao je niz radnih sastanaka i s Misijom OSCE-a u BiH, naročito o temi: „Implementacija odluka ustavnih sudova u Bosni i Hercegovini“.

Ured sekretara Komisije u izvještajnom periodu održao je nekoliko radnih sastanaka i s predstavnicima Ambasade Savezne Republike Njemačke, ugostivši 50-ak sudija Saveznog ustavnog suda Karlsruhe iz SR Njemačke u Parlamentarnoj skupštini BiH.

Ured sekretara, putem aplikacije OWIS, redovno postavlja informacije o sjednicama Ustavnopravne komisije na veb-stranicu Parlamentarne skupštine BiH. Također, u saradnji s Odjelom pisarnice, arhivirani su svi materijali do sada održanih sjednica, kao i ad hoc sjednica zajedničkih komisija za usaglašavanje tekstova zakona, koje su bile date u zadatak Uredu sekretara Ustavnopravne komisije Doma naroda, te kompletni materijali sa stručnih savjetovanja i radionica. Započete su i aktivnosti na pripremama potrebnih materijala za novi saziv Doma naroda.

### **Poglavlje III. OSTALE AKTIVNOSTI**

#### **Odjeljak A. Aktivnosti u vezi sa ostalim aktima i odnosima s drugim institucijama**

Komisija je razmatrala i druge akte koji nisu zakonodavnog karaktera te uspostavljala saradnju s drugim institucijama, čije se djelovanje podudara s djelovanjem Ustavnopravne komisije, uključujući i saradnju s međunarodnim organizacijama. Tu su, u prvom redu, saradnja s Predsjedništvom BiH, Vijećem ministara BiH, tj. ministarstvima, agencijama, direkcijama, Generalnim sekretarijatom Vijeća ministara BiH, državnim pravosudnim organizacijama i sl. Predstavnici tih institucija su blagovremeno i potpuno obavještavani o radu Ustavnopravne komisije. Na upućene pozive oni su se, uglavnom, redovno odazivali i učestvovali u radu o tačkama koje se odnose na njihov rad.



U izvještajnom periodu ostvarena je dobra saradnja sa sekretarima domova, kao i sa sekretarkom Zajedničke službe, sekretarima drugih komisija, rukovodiocima sektora i zvaničnicima, pažljivo je praćen rad pojedinih komisija i drugih tijela u vezi sa zajedničkim pitanjima, te ostvaren princip međusobne saradnje, ali i zaštite digniteta Doma naroda Parlamentarne skupštine BiH, kako je uređeno Poslovníkom Doma naroda.

Ustavnopravna komisija kontinuirano je saradivala s Vijećem ministara BiH i drugim ministarstvima Bosne i Hercegovine, čije su nadležnosti i aktivnosti bile vezane za rad Ustavnopravne komisije. Prisustvo ministara i predstavnika Vijeća ministara BiH sjednicama komisija bilo je zadovoljavajuće.

Dobra saradnja naročito je ostvarena s Ministarstvom pravde BiH.

## **Odjeljak B. Međunarodna saradnja**

U realizaciji međunarodne saradnje, kao i poslova edukacije na praktičnim pitanjima, s kojima se susreće Ustavnopravna komisija, posebnu pomoć pružaju:

1. Misija OSCE-a u Bosni i Hercegovini,
2. Ured rezidentnog koordinatora UN-a u Bosni i Hercegovini,
3. USAID - Odsjek za parlamentarnu podršku,

Ured sekretara Komisije u izvještajnom periodu održao je nekoliko radnih sastanaka i s Misijom OSCE-a u BiH, naročito o temi: „Implementacija odluka ustavnih sudova u Bosni i Hercegovini“, s ciljem da se istraže mogućnosti za poboljšanje zakonodavnog okvira i relevantnih procedura različitih institucija zbog olakšavanja i podrške procesu izvršavanja odluka ustavnih sudova.

Ustavnopravne komisije oba doma su, u saradnji s Uredom rezidentnog koordinatora UN-a u BiH, prisustvovala Radionici o izgradnji institucionalnih kapaciteta stručnog osoblja PSBiH. Radionica je održana u Sarajevu 3.12.2015.

Ured sekretara Ustavnopravne komisije u izvještajnom periodu održao je nekoliko radnih sastanaka i s predstavnicima Ambasade Savezne Republike Njemačke, nakon čega je Ustavnopravna komisija ugostila 50-ak sudija Saveznog ustavnog suda Karlsruhe iz SR Njemačke u Parlamentarnoj skupštini BiH.

U organizaciji USAID-ovog SGIP-a, 1.12.2015 održan je sastanak o temi: „Analiza o uspostavi sistema procjene uticaja prilikom izrade propisa/politika u institucijama BiH“. Sastanku je u ime Ustavnopravne komisije prisustvovao predsjedavajući Halid Genjac.

## **Poglavlje IV. ZAKLJUČNA RAZMATRANJA**

Ustavnopravna komisija Doma naroda Parlamentarne skupštine BiH konstatira da su ostvarene značajne aktivnosti u izvještajnom periodu.

Kako bi te aktivnosti bile još bolje, a rezultati se mogli kvalitetnije primijeniti, neophodno je sljedeće:

a) Ustavnopravna komisija Doma naroda Parlamentarne skupštine BiH i ubuduće će se, još predanije, baviti pitanjima iz svoje nadležnosti, s ciljem kvalitetnijeg rada i većeg doprinosa zakonodavnom procesu u Bosni i Hercegovini. Ona će istrajati u realizaciji svog orijentacionog radnog plana;

b) Kako je Poslovnikom i drugim aktima Parlamentarne skupštine BiH utvrđena ista nadležnost Ustavnopravne komisije Doma naroda i Ustavnopravne komisije Predstavničkog doma, potrebno je češće održavanje zajedničkih sjednica i provođenje zajedničkih aktivnosti;

d) Imajući u vidu normativnu uređenost Ureda sekretara Ustavnopravne komisije, veoma bitnim i korisnim smatraju se kontinuirane obuke sekretara i osoblja, jer je to garancija njenog uspješnog rada;

e) Ustavnopravna komisija Doma naroda učinit će dodatne korake u saradnji s drugim komisijama Parlamentarne skupštine BiH, Vijećem ministara BiH, vladinim i nevladinim organizacijama, međunarodnim organizacijama i parlamentima, koje će ohrabriti u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije. Ona će insistirati na bržim i kvalitetnijim povratnim informacijama i učešću predstavnika predlagača na sjednicama Komisije, što je do sada ponekad stvaralo problem. Često predlagači (prije svega Vijeće ministara BiH) u parlamentarnu proceduru upućuju nedorađene, površne, ponekad kontradiktorne prijedloge zakona i drugih akata. U tom smislu, potrebno je hitno educiranje i uspostavljanje čvršćih i kvalitetnijih veza Ustavnopravne komisije i predlagača zakona, prvenstveno Vijeća ministara BiH.

Sastavni dio Izvještaja je tabelarni, brožčani, prikaz provedenih aktivnosti.

PREDSJEDAVAJUĆI  
USTAVNOPRAVNE KOMISIJE  
Halid Genjac

**Ustavnopravna komisija**

Period od 1.1.2015. do 31.12.2015.

<b>Broj održanih sjednica</b>	12
<b>Broj tačaka dnevnog reda</b>	53

**Komisija je u izvještajnom periodu razmatrala:**

<b>Prijedloge zakona</b>	<b>Zahtjeve za ocjenu ustavnosti</b>	<b>Izvještaje o radu institucija BiH</b>	<b>Prečišćene tekstove zakona</b>
17	7	12	2